



## VISCHNAUNCA DA RUEUN

---

### Lescha d'ustria dalla vischnaunca da Rueun

Sebasond sin igl art. 26 dalla lescha d'ustria dil cantun Grischun dils 7 da zercladur 1998 (LU).

#### I. Disposiziuns generalas

##### Art. 1

#### Survigilanza

La suprastonza communal excercitescha la survigilanza sur las activitads da restauraziun.

##### Art. 2

#### Execuziun

L'execuziun dalla legislaziun d'ustria cumpeta alla suprastonza communal.

#### II. Lubientschas

##### Art. 3

#### Damonda

<sup>1)</sup> La damonda per conceder ina lubientscha tenor artechel 3, alinea 1 LU ei d'inoltrar alla canzlia communal silmeins in meins avon ch'arver ni sur-prender in menaschi ni avon ch'organisar in'arranschament.

<sup>2)</sup> La damonda ha da cuntener las sequentas indicaziuns:

- a) las persunalias e l'adresa dalla persuna per la quala la lubientscha du-ei vegnir emessa
- b) l'indicaziun exacta dil menaschi ni digl arranschament
- c) l'indicaziun exacta d'eventuals menaschis secundars
- d) il cuoz giavischau dalla lubientscha

<sup>3)</sup> Alla damonda eis ei d'aschuntar:

- a) in extract dil register penal
- b) la confirmaziun cun suttascripziun tenor igl artechel 5, alinea 3 LU
- c) in extract digl uffeci da stumadira

**Art. 4**

**Concessiun** Aschilunsch che las premissas legalas ein ademplidas vegn la lubientscha dada en scret alla persuna autorisada avon ch'arver ni surdar il menaschi ni avon ch'organisar igl arranschament.

**Art. 5**

**Pretensiuns** La lubientscha sa vegnir colligiada cun pretensiuns, specialmein davart il dretg d'access ed il cuoz da dimora dils giuvenils sco era davart las uras d'avertura e la protecziun encunter canera.

**Art. 6**

**Engrondiments, transferiment, midada dalla specia da menaschi**

1) Engrondiments considerabels ed il transferiment da menaschis sco era midadas dalla specia da menaschi basegnan ina lubientscha speciala.

2) Per la damonda vala igl artechel 3, alineas 1 e 2 conform il senn.

**Art. 7**

**Commerci en detagl cun auas barschadas**

1) Damondas per conceder ina lubientscha per il commerci en detagl cun auas barschadas ein d'inoltrar ad uras sin il formular uffical agl uffeci cantunal per economia e turissem e quei avon ch'arver ni surprender in menaschi ni avon ch'organisar in arranschament.

2) Il formular sa vegnir retratgs sin canzlia communal.

**III. Temps d'avertura**

**Art. 8**

**Temps d'avertura** Ils menaschis d'ustria san fixar lur temps d'avertura tenor agen pareri.

**Art. 9**

**Musica el liber** Musica ordaviert ei lubida mo entochen allas 22.00 uras.

**IV. Taxas**

**Art. 10**

**Taxas per dar lubientschas**

1) Per dar ina lubientscha vegn ei incassau las sequentas taxas:

a) per menaschis frs. 100.-- entochen frs. 500.--

- b) per arranschaments frs. 50.-- entochen frs. 300.--
- d) per engrondiments, transferiments, midadas dalla specia da menaschi frs. 50.-- entochen frs. 300.--

<sup>2)</sup> Per fixar las taxas el singul cass eis ei da risguardar adequatamein ils cuosts administrativs sco era igl interess e la productivitat economica dalla persuna obligada da pagar la taxa.

#### Art. 11

#### Taxas specialas

Per ulteriuras funcziuns officialas sco controllas extraordinarias da singuls menaschis ni arranschaments vegn ei incassau ils cuosts effectivs.

### V. Disposiziuns penalas, mieds legals

#### Art. 12

#### Disposiziuns penalas

<sup>1)</sup> Cuntravenziuns e surpassaments da questas disposiziuns e dalla lescha d'ustria cantunala vegnan punidas dall'istanza communal cumpetenta cun in castitg da entochen frs. 10'000.--, aschilunsch ch'ei vegn buca en damonda disposiziuns penalas dil dretg federal.

<sup>2)</sup> En cass da regl da gudignar ei l'istanza buca ligiada vid la summa maximala da frs. 10'000.--.  
En cass specialmein levs tonscha in'admoniziun.

#### Art. 13

#### Mieds legals

Encunter disposiziuns dalla suprastonza communal sin fundament dalla lescha cantunala ni da questa lescha sa ei vegnir recurriu en scret enteifer 20 dis dapi la comunicaziun alla dertgira administrativa dil cantun Grischun.

### VI. Disposiziuns finalas

#### Art. 14

#### Disposiziuns executivas

La suprastonza communal sa relaschar disposiziuns executivas.

#### Art. 15

#### Abrogaziun dil dretg existent

Quella lescha entra en vigur per igl 1. da schaner 2000 cun l'approbaziun dalla radunonza communal e cun l'approbaziun dalla Regenza dil cantun Grischun. Sin quei termin vegnan tut las prescripziuns che stattan en cuntradicziun cun questa lescha abrogadas.

**Art. 15**

**Disposiziuns  
transitorias**

- 1) Lubientschas ch' ein vegnidas dadas temporarmein a menaschis avon l' entrada en vigur da quella lescha ein valeivlas nunlimitadamein, aschilunsch che la persuna autorisada meina vinavon il menaschi el medem rom.
- 2) Proceduras pendentas il mument dall' entrada en vigur da quella lescha ein da tractar tenor il niev dretg, aschilunsch ch' il dretg vegl ei buca pli favorei-vels.

**Approbau dalla radunonza communal dils 10 da december 1999.**

Il president communal



Josef Dietrich

Il scarvon



Roman Holderegger

**Approbau dalla Regenza dil cantun Grischun tenor conclus**

dils

protocol nr.

Il president:

Il cancellier: